

Tasdawit n Bgayet
Tasga n Tutlayt d Yidles n Tmaziyt
Aseggas Asdawan 2020/2021
Aseggas amezwaru
Almud : Tira
Massa BENAZZOUZ, K

Tizdit (ajerriđ n tuqqna)

Tizdit, ur telli deg lmenteq, tettban-d kan deg tira n tmaziyt. Tetteqqen gar wawal agejdan d yiwsilen-is. Tettili gar :

- Amyag d yiwsilen-is ;
- Isem d yiwsilen-is ;
- Tanzeyt d yiwsilen-is.

1- Amyag d yiwsilen-is

Nezmer ad neqqen yer umyag s tezditi, krađ n yiferdisen :

- Amqim awsil asemmad usrid ;
- Amqim awsil asemmad arusrid ;
- Tazelya n tnilla.

1-1- Amqim awsil asemmad usrid

Amqim awsil asemmad usrid, d win i yettuɣalen deg wadeg n usemmad usrid. Yetteqqen srid ɣer umyag s tezditi.

Imedyaten : Yeyra tamsirt. → Yeyra-tt.
Yečča aɣrum → Yečča-t
Yewwet arraw-is → Yewwet-iten

1-2- Amqim awsil asemmad arusrid

Amqim awsil asemmad arusrid, d win i yettuɣalen deg wadeg n usemmad arusrid. Yetteqqen srid ɣer umyag s tezditi. Asemmad arusrid iɣef i d-nettmeslay deg tegnit-a, d win i d-teggar tenzeɣt “ i ”.

Imedyaten : Yemmeslay i umdakkal-is. → Yemmeslay-as.
Yura tabrat i gma-s. → Yura-yas tabrat.
Tessawel i yimawlan-is → Tessawel-asen.

1-3- Tazelya n tnilla “d” akked “n”

Tazelya n tnilla, teskanay-d tanilla (tama) n tigawt n umyag ; ma truɥ-d tigawt ɣer tama n win i yettmeslayen, nessemras “d” ; ma truɥ tigawt seg win yettmeslayen ɣer win i wumi yettmeslay, nessemras “n”. Snat n tzelyiwin-a, tteqnet ɣer umyag s tezditi.

Imedyaten : Yusa-d ɣer uxxam-nney.
Ssawɣey-n lamana almi d ɣur-wen.

Tamawin :

- Imqimen iwsilen akked tzelya n tnilla, akken i nezmer ad ten-naf seld amyang i nezmer day ad ten-naf send amyang. Deg tegnatin anda amyang yefti ama ɣer wurmir s “ad”, ama ɣer yizri ibaw.

Imedyaten : Ad iyer tamsirt. —→ Ad **tt**-iyer.
 Ur yeyri ara tamsirt. —→ Ur **tt**-yeyri ara.
 Ad yemmeslay i umdakkel-is. —→ Ad **as**-yemmeslay.
 Ur yemmeslay ara i umdakkel-is. —→ Ur **as**-yemmeslay ara.
 Ad **d**-yas.
 Ur **d**-yusi ara.
 Ad **n**-ssiwdey.
 Ur **n**-ssawdey ara.

- Tazelya n tnilla “d” akked “n”, tettbeddil talya ma yezwar-itt-id umqim awsil asemmad usrid ; “d” tettuyal d “id” / “n” tettuyal d “in” :

Imedyaten : Yufa-**tt-id**.
 Yewwi-**t-id**.
 Ad tent-**in**-awiy.
 Ur **tt-in**-ssawdey ara.

- Ur tettili tezditi gar “ad” n wurmir akked umyag. Ur tettili dayen gar “ur” d “ara” n tibawt akked umyag.

Imedyaten : Ad ruhey yer uyerbaz.
 Ur walay **ara**.

2- Isem d yiwsilen-is

Ad naf sin n lesnaf n yiwsilen i yetteqnen yer yisem s tezdit : amqim n wayla akked urbib ameskan.

2-1- Amqim n wayla

Amqim n wayla, d amqim i yettuqalen deg wadeg n yisem-nni. Amqim-a, yettentad yer yisem s tezdit.

Imedyaten : Tawwurt n uxxam. → Tawwurt-is.
Tajmaet n yirgazen. → Tajmaet-nen.

2-2- Arbib ameskan

Arbib ameskan, d amqim i yettentaden yer yisem s tezdit, s yes i nezmer ad d-nesken amdan ney tayawsa ney ayen-nni. Yebda s timmad-is yef ukuz n lesnaf :

2-2-1- Ameskan n tizin

Mi ara d-nesken ayen i iqerben yur-ney.

Imedyaten : axxam-a, argaz-a, taqcict-a, azeğgig-a ...

2-2-2- Ameskan n waggug

Mi ara d-nesken ayen i ibeden fell-ay maca nettwali-t.

Imedyaten : taddart-ihin, tamettut-ihin, tazemmurt-ihin ...

2-2-3- Ameskan n ubdar

Mi ara d-nebder amdan ney kra-nni d abdar kan.

Imedyaten : ahriq-nni, ayerbaz-nni, amyar-nni, asefru-nni ...

2-2-4- Ameskan n tiđent

Mi ara d-nemmeslay Ƴef kra n tyawsa-nniđen nnig n tin i yellan yakan.

Imedyaten : SeiƳ axxam-nniđen.

Yuy-d takerrust-nniđen.

Yerna-d tamettut-nniđen.

Tamawt :

Ama d amqim n wayla ama d arbib ameskan, ttasen-d kan seld isem, ur zmiren ara ad d-asen uqbel-is.

3- Tanzeyt d yiwsilen-is

Nemmeslay-d deg tazwara n temsirt-a Ƴef umqim awsil asemmad arusrid, i d-yekkan seg usemmad arusrid i d-teggar tanzeyt “ i ”. Ma d tura ad d-nemmeslay Ƴef usemmad n tanzeyt i d-ggarent tanzay-nniđen i yecban : seg, deg, Ƴef, Ƴer ... D asemmad n tanzeyt i yettuƳalen d amqim awsil n tanzeyt.

Imedyaten : GreƳ aewin deg uđellae. → GreƳ aewin deg-s.

Terzef Ƴer yimawlan-is. → Terzef Ƴer-sen.

Amqim awsil n tanzeyt, yettentad Ƴer tanzeyt s tezditi. Yettas-d dima seld tanzeyt, ur yezmir ad d-yas uqbel-is.